

समे .18:15 Hrs

## Headlines

- प्रधानमंत्री नरेंद्र मोदी होंरें अज्ज “मन की बात” कार्यक्रम राहें उनें सब्बनें लोकें दा आभार प्रगट कीता ऐ जिनें बरसांती दरान कुदरती करोपिएं ते चनौतिएं दे चलदे मनुक्खता गी सब्बनें शा उप्पर रक्खेआ ते विपदा च फसे दे लोकें दी मदद कीती।
- मोदी होंरें आखेआ ऐ जे भारत आत्मनिर्भरता दी बतै पर तेजिया कन्ने अगड़े बधै करदा ऐ। उनें आखेआ जे विकसित भारत दा लक्ष्य हासल करने लेई ‘वोकल फॉर लोकल’ दा मूलमंत्र अपनाना बड़ा जरूरी ऐ।
- गृह मंत्री अमित शाह कल्लै थमां द’ऊं दिनें दे जम्मू दौरे पर आवा करदे न, उंदा बरखा ते हाड़ प्रभावित इलाकं दा दौरा लाने दा बी कार्यक्रम ऐ।
- मुखमंत्री उमर अब्दुल्ला होंरें आखेआ जे जरनैली शिड़कै गी पूरी चाल्ली बहाल होने च 20-25 दिन लग्गी सकदे न। उआं ओओजाई लेई वैकल्पिक रस्ते उपलब्ध न।
- जम्मू संभाग दे सब्बै सरकारी ते प्राइवेट स्कूल कल बी बंद रखने दा हुक्म जारी कीता गेआ ऐ।

<><><><><><>

## PM-Mann Ki Baat

प्रधानमंत्री नरेंद्र मोदी होंरें आखेआ ऐ जे राष्ट्र अज्ज आत्मनिर्भर भारत दी बतै पर तेजिया कन्ने अगड़े बधै करदा ऐ ते विकसित भारत दे लक्ष्य हासिल करने लेई मकामी चीजें गी तरजीह देने दा वोकल फॉर लोक आहला मूल मंत्र अपनाना बड़ा जरूरी ऐ अज्ज आकाशवाणी पर म्हीने च इक

बारी प्रसारित होने आहले कार्यक्रम "मन की बात" च उन्हें लोकें अग्गे अपील कीती ऐ जे औंदी ध्यारें दी रूतै दरान ओह् मुल्खै अंदर तैयार माल-समेयान यानि स्वदेशी गै खरीदन।

प्रधानमंत्री मोदी होरें आखेआ जे एह् भारत श्रेष्ठ भारत दा जज्बा देश दी एकता गी होर मजबूती देने ते देश विकास लेई बी बड़ा जरूरी ऐ ते स्हाड़ियां खेड्ठां इस भाना गी मजबूत बनाने च मतियां कारी दियां साबत होंदियां न। उन्हें आखेआ कि जेड़ा कोई बी खेडदा ऐ, उड़यै खिड़दा बी ऐ। मोदी होरें श्रीनगर दी डल झील दी आयोजित पैहली-पैहली पानी आहलियं खेड्ठें दा बी जिक्र कीता जेदे च मुख्य भरै थमां 800 कोला मते खडारी शामिल होए हे।

अज्जै दे "मन की बात" कार्यक्रम च प्रधानमंत्री होरें 2 खडारियं कन्नै दी गल्लबात कीती जिंदे च ओडिशा थमां रश्मिता साहू ते श्रीनगर थमां मोहसिन अली शामिल हे जिनें इनें खेड्ठें च सुन्ने दे तगमे हासल कीते न। उन्हें जम्मू-कश्मीर च आयोजित इक होर खेड्ठ समारोह दा बी जिक्र कीता। पुलवामा दे इक स्टेडियम च आयोजित डे-नाइट क्रिकेट मैच जेदे च बड़ी बद्द गिनतरी च लोकें शिरकत कीती ही, दे बारै दस्सदे होई मोदी होरें आखेआ जे इस मैच गी दिक्खने लेई ज्हारां बद्दे नौजवानें दा किट्ठा होना इक दिलकश नजारा हा। प्रधानमंत्री होरें आखेआजे बरसांती दे मौसमै च कुदरती करोपियां मुल्खै दे मतेयान लै करदियां न। उन्हें आखेआ जे पिछले किश हफ्तें दरान असें हाड़ें, लहास-पस्सियं ते बद्दल फट्टने जनेइएं घटनाएं दा बड़ा मता कैहर ते तबाही दिक्खी ऐ। समूलचा मुख्य दुखै दी इस घड़ी च प्रभावित लोकें कन्नै खड़ोते दा ऐ, टकोहदा करियै उन्हें परिवारें कन्नै जिनें कुदरती कैहर कारण अपने कुसै जीऽ गी मुहाई दिता ऐ।

प्रधानमंत्री नरेंद्र मोदी होरें हर उस भारतीय दा आभार प्रगट कीता जिन्नै मतेयान दी इस घड़ी च मनुक्खता गी ससब्बनें शा उप्पर रक्खेआ ऐ। प्रधानमंत्री होरें डिजिटल प्लैटफार्म प्रतिभा सेतू दा बी

जिक्र कीता जेदे च यू.पी.एस.सी मतेयान दे बक्ख-बक्ख चरणे गी पार करी चुके दे उनें मेदवारें दी पूरी जानकारी ते डेटा रक्खेआ गेदा ऐ जिंदे ना फाइनल मेरिट लिस्ट च नेई आए न।

<><><><><><>

### HM-Jammu Visit

केंद्री गृह मंत्री अमित शाह होर कल पैहली सितंबर गी जम्मू प्रांतै दे हाड़ प्रभावित इलाकें दे दौरै पर आवा करदे न। दौरै दरान गृह मंत्री होर राजभवन जम्मू च इक उच्ची सतह दी जायजा बैठक दी बी अध्यक्षता करडन ते खिते दे पूरे-पराते हालात दी समीक्षा करडन ते बचाऽ कम्में दा बी जायजा लैडन। एहदे शा पैहले गृह मंत्री होर पूरे संभाग दा इक ब्हाई सर्वेक्षण बी करडन। जायजा बैठक दे बाद उंदा श्री माता वैशणो देवी जातरा दे आधार शिविर कटड़ा दे अलावा हाड़ प्रभावित होरनें इलाकें दा दौरा लाने दा बी कार्यक्रम ऐ। गृह मंत्री हुंदा किश्तवाड़ जिले च बी बदल फट्टने ते हाड़ें सवां प्रभावित इलाकें दा दौरा करने दा बी कार्यक्रम ऐ।

<><><><><><>

### CM-NHW

मुख्यमंत्री उमर अब्दुल्ला होरें अज्ज रामबन जिले दे मरोग ते उधमपुर दे बाली नाला च राष्ट्रीय जरनैली शिड़क एन.एच-44 दे नुकसान पुज्जे दे हिस्सें दा निरीक्षण कीता जेड़ा हाल च गै बदल फट्टने करी ते हाड़ें कन्नै बड़े मते प्रभावित होए न। मुख्यमंत्री उमर अब्दुल्ला होरें आखेआ जे जरनैली शिड़के गी नुकसान पुज्जा ऐ ते उनें एनएचएआई ते जिला प्रशासनें कन्नै इस बारै गल्ल कीती ऐ। उनें आखेआ जे पुर्नबहाली च घट्टोघट्ट 20 कोला 25 दिनें दा समां लग्गी सकदा ऐ। उआं वैकल्पिक रस्ते उपलब्ध न। इस बारै बोलदे होई मुख्यमंत्री होरें गलाया।

मुख्यमंत्री उमर अब्दुल्ला हों चनेनी कोला लेइयै उधमपुर तगर जारी पुर्नबहाली आहले कम्में दा जायजा लैता। इस मौके पर बोलदे होई मुख्यमंत्री हों जानकारी दिती जे गृह मंत्री अमित शाह हों जम्मू आवा'रदे न तां जे हाल च होए दे नुकसान दा जायजा लैता जाई सकै। उनें आखेआ।

तोआई, अज्ज 6में रोज बी जम्मू-श्रीनगर राष्ट्रीय जनैली शिड़क गड़डियें दी आओजाई लेई बंद ऐ कीजे उधमपुर-रामबन बेल्ट च जारी बरखें ते ल्हास-पस्सियें कारण शिड़कें गी बड़ा मतास नुकसान पुज्जा ऐ।

<><><><><><>

### Scholls-Closed

खिते च बने दे खराब मौसम से मददेनजर सरकारै समूलचे जम्मू-कश्मीर च कल यानि 1 सितंबर तोड़ी सब्बनें सरकारी ते निजी स्कूलें गी बंद रखने दा ऐलान कीता ऐ। विद्यार्थिएं दी सुरक्षा यकीनी बनाने लेई इक्क एहतियाती हीले दे तौरा पर स्कूली शिक्षा विभाग नै एह फैसला लैता ऐ तां जे बरखा दे मौसम च बच्चें दी सुरक्षा गी यकीनी बनाया जाई सकै। हालात पर नेइमी तक्क रक्खी जा'रदी ऐ ते मौसम च सुधार होने परेंत स्कूल खोलने दा फैसला लैता जाग।

<><><><><><>

### Expert-GDP

आर्थिक विशेषज्ञें चालू माली बरे दी अप्रैल-जून तिमाही च भारत दे सकल घरेलू उत्पाद-जीडीपी दी वृद्धि दर 7 अशारिया 8 फीसद रौहने दी सराहना कीती ते आखेआ जे अर्थ बवस्था सारी मेदें थवां बेहतर ऐ। इस बारे गल्ल करदे होई Director Industries and Commerce Arun Manhas हों आखेआ जे भारत अर्थ बवस्था आसेआ कीता गेदा प्रदर्शन मेदें कोला मता ऐ ते एह

निरंतरता दा प्रदर्शन करदा ऐ। उनें आखेआ जे एह इक सकारात्मक प्रवृत्ति आहली बक्खी इशारा करदा ऐ। आकाशवाणी कन्ने गल्ल करदे होई उनें दस्सेआ।

<><><><><><>

### Special-Trains

भारी बरखें ते कुदरती क्रोपिएं दे करी जम्मू खिते च फसे दे यात्रियें दी मदाद आस्तै रेलवें नै अज्ज जम्मू थमां त्रै बशेश रेलगड्डियां चलाने दा ऐलान कीते दा ऐ। पैहली रेलगड्डी अज्ज दपैही 2 बजे मोरादाबाद, लखनउ ते वाराणसी जंक्शन हुं दे होई कोलकाता लेई रवाना होई जिसलै के दुई रेलगड्डी संझां 4 बजे नमीं दिल्ली होंदे होई चेन्नेई सेंट्रल लेई रवाना होई। इस्सै चाल्ली त्रीस रेलगड्डी गी अज्ज संझां 6 बजे कठुआ ते पठानकोट कैंट दे राहें नमीं दिल्ली लेई रवाना होई। एह सब्भै रेलगड्डियां बुकिंग ते आरक्षण लेई उपलब्ध न। कुसै बी सहायता जां जानकारी लेई लोक एन.टी.ई.एस ऐप्प पर जाई सकदे न जां फही 139 नम्बरै पर राबता करी सकदे न।

<><><><><><>